

四庫禁燬書叢刊編纂委員會

北京出版社

四庫禁燬書叢刊

子部第一五冊目次

潛確居類書一百二十卷(三)

〔明〕陳仁錫輯
明崇禎刻本

潜確居類書一百二十卷(三)

〔明〕陳仁錫輯

明崇禎刻本

清華大學圖書館藏

史官陳仁錫明卿父纂輯

人倫部八 設官四

設官四 開府儀同三司 特進 大夫總

翰林 節度使 留守 州佐 刺史 京兆尹 太守 郡佐

開府儀同三司

開府儀同三司 ○通典後漢章帝建初三年使車騎

將軍馬防班同三司同三司之名自此始賜帝建

平九年鄧騭為車騎將軍儀同三司儀同之名自

此始魏黃權以車騎將軍開府儀同三司開府之

名自此始晉江左以來將軍則中鎮撫四鎮以上

或加大餘官則左右光祿大夫並得儀同三司

齊職儀將軍開府依大司馬朱服光祿大夫開府

依司徒卓服隋並以為散官從一品位次三公同

漢魏之制唐武德七年改上開府儀同三司為上

輕車都尉開府儀同三司為輕車都尉儀同三司

為騎都尉後又以開府儀同三司為文散官開元

以來舊例開府特進雖不帶職事皆給俸祿得與

朝會班依本品之次皆崇仁盛德罷劇就閒者居

之

特進

特進 ○通典漢朝諸侯功德優盛朝廷所敬異者賜

位特進位在三公下故成都侯王商以特進領城

門兵置幕府得舉吏如將軍是也 ○百官表特進

官品第一漢制皇后之父兄率為此職朝會位次

三公自二漢及魏晉以為加官從本官車服無吏

卒太僕羊琇遜位拜特進加散騎常侍無餘官故

給吏卒車服其餘加特進者惟食其祿賜列班而

已不別給吏卒車服唐為文散官 ○齊職儀特進

以功特進見也

大夫總 ○春秋漢舍華少微之北大夫位焉為帝者

佐以主綱紀者也

法山陵 ○又曰二十七大夫法山陵也 ○漢官儀天

子二十七大夫職在言議毗亮九卿

進賢達能 ○白虎通大夫之為言大扶進入者也故

傳云進賢達能謂之大夫

與參國體 ○漢官解詁諫議光祿太中散此四者

于古禮為天子之大夫視列國之上卿皆與參國

體藉合同異分明今古辨章舊聞講論五始

傳五

始者元年春王正月公即位。元者歲之始。春者四時之始。王受命之始。正者月之始。公即位。一國之始也。

顧問應對○續漢書百官表凡大夫無員數掌顧問應對。無常事唯召命所使也。

光祿大夫○秦有太中大夫中大夫諫大夫皆無員多至數十人。漢武帝太初元年更名中大夫為光祿大夫。掌議論屬光祿勳。西晉置左右光祿大夫。而光祿大夫如故。自晉以來光祿三大夫皆銀章紫綬。其重者詔加金章紫綬。樂安任遐為光祿就王晏乞一片金。晏乃啓轉為金紫是也。皆與特進齊。續漢書卷五十五人倫部八 大夫

同後魏有光祿太夫。金紫銀青光祿大夫。唐初猶左右之名。貞觀以後唯光祿大夫。金紫銀青光祿。並為文散官。

門施行馬○漢官儀光祿大夫秩比二千石。雖言屬光祿勳。門外特施行馬以旌別之。

出入禁闥○漢書霍光字子孟為光祿大夫。出則奉車。入侍左右。出入禁闥二十餘年。小心謹慎。未嘗有過。甚見親信。

太中大夫○通鑑太中大夫秦官。亦宜議論。漢因之。後漢置二十人。歷代至唐皆有之。○章昭釋名太

中大夫其中最為高大也。

待以師禮○謝承後漢書陳蕃字子公。拜大中大夫。年七十。每朝賀帝。待以師傅之禮。賜几杖。入朝不趨。贊拜不名。

郎官總

郎官○漢郎官之制其塗非一。光祿勳有儀郎。中郎。郎中。皆無員。多至千人。中郎有五。官左右三將。郎中有車戶騎三將。主車曰車郎。主戶衛曰戶郎。凡郎中皆主更直執戟宿衛諸殿門。出充車騎。惟議郎不在直中。故省中郎曰中郎。散郎曰外郎。汲黯

潘確類書

卷五十五人倫部八

郎官

郎官

曰臣願為中郎。出入禁闥。補過拾遺。郎官故事。令郎出錢市財。用給文書。乃得出。名曰山郎。財用之所出故。羽林以六郡良家子補。武帝以便從獵。還宿殿陛。嚴下故曰嚴郎。期門為虎賁郎。又有以父兄任子弟為郎者。袁盎劉向是也。有以富貴為郎者。張釋之司馬相如是也。有以上書獻策為郎者。婁敬主父偃是也。有以孝義為郎者。馮唐是也。有以戲車為郎者。衛綰是也。有以格五為郎者。吾丘壽王是也。有以從軍善射為郎者。李廣鄭吉是也。有以經明甲科為郎者。召信臣王嘉是也。後漢書

童子郎○後漢書尚書令左雄奏徵海內名儒為博士使公卿子弟為諸生有志操者加其俸祿及汝南謝廉河南趙建年始十二各能通經雄並奏拜童子郎自是負書來學雲集京師

參知政事

下丞相一等○職畧唐劉洎張文權皆參知政事魏徵杜淹參預朝政蕭瑀參議朝政崔仁師參知機務此其始也皆以他官為之如劉洎以黃門侍郎參知政事○宋乾德二年太祖已相趙普畏其專將擇官以為副而難其名稱召陶穀問曰下丞相一等有何官對曰唐有

參知機務

參知政事

參知政事

參知機務參知政事今可用之遂命薛居正呂餘慶為參知政事不宜制不押班不知印不升政事堂止令就宣徽院使廳上事殿庭別設摠位於宰相後粉尾書銜降相數字月俸雜給皆半之此乾德之制也至道元年始詔參政宜與宰相分日知印押正衙班其摠位先異宜合而一之遇宰相使相視事及商議軍政並得陞都堂先是呂端冠準竝為諫議大夫參知政事至是端相而準尚參知政事端慮準不平且言以兄餘慶任參知政事日悉與宰相同願舉行之特從其請次年準罷詔令

竝依乾德制

樞密院

樞府○事始及會要云樞密之名起于唐代宗時以中官二人為使承受表奏若人主有處分則宣付門下中書宋梁改為崇政院始用士人後唐復為樞密院命宰相郭崇韜兼使又置院使一人然權伴宰相矣晉天福中以劉處謙兼樞密奏事不稱旨遂廢其印付中書門下開運中復置宋樞密院與中書對持文武二柄號為二府禮遇略同有使有副使太祖始以魏仁浦吳廷祚為樞密使趙普為副使元豐改官制議者欲廢樞密院歸兵部神宗曰祖宗不以兵柄歸有司故專命官統之互相維制不從然以樞密聯職輔弼非出使之名乃更置知院同知二人專以邊機兵政為職以張遜知樞密院事寇準同知樞密院事此其始也後又有食事之名如石熙載簽書院事郭進同簽書院事是也高宗紹興七年詔依故事復置樞密使及副使其知院同知簽書並如舊副使自岳飛罷後無有除者其屬有都副承旨檢詳編修等官國朝五府即古樞密院也

西樞○熙寧三年詔曰國家以西樞內輔翊贊本兵

任爲重矣

樞密院在西故曰西樞漢終侯爲太尉本兵柄謂諸兵柄之本也

洪樞○元祐中趙鼎拜同知樞密院事勅曰贊一人

之休必資耆德握萬兵之本爰賴舊臣宜煩故老

就翊洪樞

洪大也北斗第一星曰樞密掌天子之樞

典掌機務○會要仁宗慶曆間西方用兵富弼屢言

邊事係國安危不當專委樞密宜使宰相兼領於

是以宰相呂夷簡判樞密院事高宗令宰相張浚

兼樞密使趙鼎秦檜亦以左僕射兼二十五年檜

慶明年詔曰比緣軍興令宰相兼樞密使典掌機

清雍肅書

卷五十五人倫部八 一 樞密

務今邊事已定可依祖宗故事更不兼制

總樞樞機○王禹偁制有密之府總樞機于萬微

注

微即幾也

翰林

翰林院始于唐

翰苑○韋執誼翰林故事唐翰林院在銀臺門內麟

德殿西重廊之後蓋天下藝能伎術召見者之所

處也

北門學士○職林翰林院者待詔之所也自太宗時

名儒學士時召草制然猶未有名號就封以後始

號北門學士

翰林學士○職林玄宗初置翰林待詔掌四方表疏

批荅應和文章繼以詔勅文詔悉繇中書而多壅

滯

文書詔令中書舍人掌之

乃選朝官之有詞義學識者入居

翰林供奉承旨然亦未定名制詔書勅猶或分在

集賢院開元二十六年始以翰林供奉改稱學士

別建學士院於翰林院之南俾專掌內命學士之

職本以文學言語備顧問出入侍從因以參謀議

納諫諍其禮尤寵○會要宋翰林學士掌內制凡

后妃親王公主宰相節度使除拜則學士草詞授

待詔書訖以進敕降德音則先進草大詔命及外

清雍肅書

卷五十五人倫部八 一 翰林

國書則具本票奏開寶中以盧多遜直學士院直

院之名始此六年以張詹權直翰林院權直之名

始此○筆談唐翰林院在禁中乃人主燕居之所

玉堂承明金鑾皆在焉

翰林承旨○承旨院記唐始置翰林學士無承旨至

憲宗永正元年始命鄭絪爲承旨位在諸學士上

居東第一閣大詔令大廢置丞相之密畫內外之

密奏上之所甚注意者莫不專受專對○會要承

旨不常置以院中久次者一人充

號稱內相○職林唐世學士其後選任益重而禮遇

益親至號內相。又以爲天子私人。凡充其職者無定員。自諸曹尚書至校書郎皆得與選。入院一歲則遷。知制誥未知制誥者不作文書。班次各以其官。內宴則居宰相下一品。○陸贄入翰林。年尚少。以才幸。太子常以輩行呼而不名。在奉天朝夕進見。然小心精密。未嘗有過。跡是帝親倚至解衣衣之。向類莫敢望。雖外有宰相主大議而贄常居中參議可否。時號內相。又號天子私人。

玉署○蘇易簡爲學士。太宗以玉堂之設虛傳其號。乃於紅綃上御書飛白四字。曰玉堂之署。以賜

潛確類書

卷五十五 人倫部八

九

翰林

本院懸於堂上

金鑾坡○續翰林志。唐德宗移學士院于金鑾坡上。

李白集。天寶中。明皇召見金鑾殿。降輦步迎。如見綺皓。使出入翰林中。白有詩云。承恩初入銀臺門。

著書獨在金鑾殿

北扉○學士院號北扉。謂其在浴室之南。便於應詔也。

蘇東坡守潁川。謝表云。入參兩禁。每玷北扉之榮。出典二州。輒爲西湖之長。

東坡守杭州。潁皆有西湖。

西垣○唐詩。東壁圖書府。西垣翰墨林。○翰林號西

掖

制麻○翰林志。學士專掌內制。凡拜免將相。號令征伐。皆用白麻。初中書用黃白二麻。爲綸命。其後中書所出。獨得黃麻。其白麻皆在北院。

德宗欲相裴延齡。賜城曰白麻。出我當壞之。

視草○翰林志。天子召學士于禁中。草書詔。雖宸翰所揮。亦資簡較。謂之視草。○翰林故事。玉堂中設

視草臺。每草制。則具衣冠據臺而坐。○張鷟翰林學士制。芝泥發彩。宣鳳藻而騰文。蘭簡浮香。潤龍

縑而動色。

鈴索○戎幕開話。翰林院有懸鈴。以備中夜警急。文

洋雅類書

卷五十五 人倫部八

一

翰林

書出入。則引索以代傳呼。○穆宗長慶中。李贊皇

爲學士。時河北用兵。鈴數有聲。終不見人。聲急則軍事急。聲緩則軍事緩。曾莫之差。元相時亦在院。

元詩有神感條是也。唐制。禁署嚴密。非本院人。雖有公事。不敢遽入。于內吏人。宣事。亦先引鈴。每有文書。即內臣立于門外。鈴○聲。連本院小判官。出受。授長院使。院使授學士。

韓渥詩。坐久忽聞鈴索通。玉堂西畔響丁東。

靈鵲○宋孔平仲談苑。院中有雙鵲。栖于玉堂之後海棠樹。每學士會食。必徘徊翔集。或鳴噪。必有大詔令。或宣召之事。因謂之靈鵲。故晁翰林詩云。却

聞靈鵲心應喜。并予詩云。靈鵲先依玉樹栖。蓋爲

此也

銀花榜○李德裕詩銀花懸院榜謂學士院有飛白玉堂字也

銀杏葉○李德裕詩借騎銀杏葉學士初入院例借飛龍馬

金蓮燭○宋令狐綯在翰林日夜入對禁中宣宗命以乘輿金蓮燭送還院吏望見以為天子來俄傳

呼云學士歸院○蘇軾元祐間任翰林學士宣仁

高太后召見便殿曰先帝每見卿必曰奇才奇才

因命坐賜茶撤金蓮炬送歸院

七寶座○明皇於勤政樓以七寶裝成山座高七尺

召諸學士講論古今勝者升座張九齡論辨風生

清確類書卷五十五人倫部八十二翰林

首登此座○李白集白召見金鑾殿草和蕃書思

若懸河帝以七寶牀賜食御手調羹以飲之

紫花墜○宋學士王珪召對藥珠殿設紫花墜命坐

後珪作英宗挽詩曾陪藥珠殿獨賜紫花墜紀此

事

蜀襖袍○唐書韋綬在翰林德宗嘗至其院韋妃從

幸會綬方寢學士鄭絪欲馳告之帝不許時適

大寒帝以妃蜀襖袍覆之而去

翠毛錦○學士舊規十月初賜錦長襖子國初以來

賜翠毛錦太宗改賜黃盤雕錦

銀餅餠○韋澳孫宏大中時同在翰林上在太液池

宣賜銀餅餠食之甚美銀餅餠皆乳酪膏腴所製

也

蓬池餠○李德裕詩荷淨蓬池餠水寒對水醪唐學士初

上賜食皆蓬萊池中餠夏至後頒水及燒香酒以酒味濃和水而飲禁中有鄧酒坊

菱汁紙○浸紅點青詔皆用菱汁持紙李德裕

賜步輦○姚崇為學士明皇思崇崇論時務又雨泥濘

令侍御者步輦召來中外榮之

賜宮錦○唐封敖為學士韋陁傷邊將詔云傷居爾

體痛在朕躬帝覽而嘉之賜以宮錦

賜荔枝○李德裕詩荔枝來自遠盧橘賜仍新南方

枝類賜翰林時李為學士

朱衣雙引○談苑故事學士在內中院吏朱衣雙引

太祖朝李昉為學士太宗在南衙朱衣一人前引

昉因去其一

班冠玉筍○言行錄周麟之字茂振尚宗朝直學士

院安儀洒落進止凝重班冠玉筍望之者意神仙

中人

籍為仙籙○太宗嘗謂近臣曰詞臣實神仙之職也

故名籍為仙籙

文章映日○唐書元稹為翰林承旨朝退至廊下時

初日映九英梅花隙光射稹有氣勃勃然百僚望之曰豈腸胃文章映日可見乎

香案吏○元稹守越州詩我是玉皇香案吏謫居猶得小蓬萊○翰林啓磨丹漬墨有來太乙之青藜正笏垂紳即侍玉皇之香案

一條冰○陳彭年在翰林兼數職皆文翰清秘之目時人謂為一條冰官銜曰冰銜

有典誥風○崔元翰知制誥訓辭溫厚有典誥風

三代同風○元稹翰林制使朕言誥文章與三代同風引之而成綸綍垂之而為典訓

八軀學士○唐李程為翰林學士初學士入院常視

階前日影為候程性懶日過八軀乃至時號八軀學士北魏前增○學士制承明之有直廡方步八

磚之日紫宸之夾香案吏依五采之雲

銀臺三昧○李肇翰林志學士每下直出門謂之小

三昧出銀臺上馬謂之大三昧言去纏縛就解脫也銀臺與左右掖○李白詩謬題金閨籍得與銀

臺通

掌中抽草○僞蜀韋寅遜夢掌中抽草占者曰君必

遷翰林學士不幾果召入

節度使採訪使防禦使團練使留後觀察使轉運使鹽鐵使并兼

節度使○唐史開元中分天下州縣制為諸道每道

置使治於所部即採訪防禦使也其邊方有寇戎之地

則加以旌節謂之節度使即持節也自景雲二年始

以賀拔延嗣為涼州都督充河西節度使自此而

後接乎開元朔方隴右河東河西諸鎮皆置焉及

范陽節度使安祿山反犯京師天子之兵弱不能

抗遂陷西京肅宗起靈武而諸鎮之兵共起誅賊

其後祿山子慶緒及史思明繼起中國大亂肅宗

命李光弼等討之號九節度之師父之大盜既滅

而武夫戰卒以功起行陣列為侯王者皆除節度

使國朝布政司設布政使一人即古節度也稱曰

岳牧亦曰大方伯大方岳又有參政參議稱曰

大參知

建節樹纛○唐百官志節度使掌總軍旅頗誅殺初

授具兵仗詣兵部辭陛辭日賜雙旌雙節行則建

節樹大纛中官祖送次一驛輒上聞人境縣禁節

樓迎以鼓角衙仗居前旌幢居中大將鳴珂金鉦

鼓角居後州縣齋印迎于道左視事日設禮案高

尺有二寸方寸判三案以八月考其治否銷兵為

上考。足食爲中考。邊功爲下考。有副使一人。行軍書記一人。參謀無員。隨軍四人。

防禦使○唐百官志唐分爲二十餘道其非節度使者謂之防禦使以採訪使并領之採訪理州縣防禦理軍事代宗即位廢防禦使惟山南西道如故防禦使以無虞爲上考清苦爲中考政成爲下考團練使○百官志上元末改防禦使爲團練守捉使大者領州十餘小者二三州皆主兵事而無旌節元載秉政思結人心刺史皆得兼團練守捉使楊綰爲相乃罷之團練使以安民爲上考懲奸爲中考得情爲下考

觀察使○唐百官志景雲三年置十道採訪使開元二年置十道按察採訪使至四年復置十道按察使秋冬巡視州縣十年又罷十七年復置十道京都兩畿按察使二十年曰採訪處置使分十五道天寶末又兼黜陟使乾元元年改曰觀察處置使掌察所部善惡舉大綱凡奏請皆屬于州○觀察使以豐稔爲上考省刑爲中考辦稅爲下考同設按察使一人即古觀察也稱曰憲憲又同使會事即十口經署防禦之職稱曰中憲外臺宣國詔條○秋董承謨曰觀察使爲陛下守上宣國詔

條○白居易薛伍制按俗守封是其所善勞來諸部綱紀列城奉詔條以安人恭戎慕以副旅

轉運使○劉晏領東都河南江淮轉運使乃自按行浮淮泗達于汴入于河右循底柱碣石觀三門遺跡至河陰羣洛見宇文愷梁公服斷河爲通濟渠視李饒新堤盡得其利病乃移書于宰相元載大抵運之利與害各有四○晏書曰一水不通思荷鉤而先往一粒不運願負米而先趨焦心苦形期報明主

漕輓之職○杜牧裴稔制曰緡牢籠漕輓之職

鹽鐵使○鹽鐵名使自第五琦始常軍興隨事趨辦人不益賦而用以饒劉晏之法益密利無遺人初歲收緡錢六十萬米乃什之計歲入于六百斛而榷居太半民不苦勤國朝有鹽運司設鹽運使稱曰大運使亦曰榷苑又有運判

冶鑄煮鹽○漢武帝時冶鑄煮鹽財成累至萬金而不佐公家之急乃以東都咸陽孔瑾爲大司農承領鹽鐵使因上言願募民自給費因官器作鬻鹽官與牢盆注取其牢盆之價而不得私鬻鹽器蘇林曰牢盆直也今世人言鬻手字安邊足用○昭帝詔賢良文學對策願罷鹽鐵酒榷

均輸。桑弘羊云。制四夷安邊足用之本。往反相詰。因集之爲鹽鐵論。

留守

留守○後漢和帝南巡。祠園廟。張禹以太尉兼衛留守。留守之制始于此。○晉張方劫惠帝幸長安。僕射荀藩等與其遺官在洛陽爲留臺。承制行事。號東西臺。後魏孝文南伐。以太尉元丕留守。

留臺○安帝時劉祐置留臺其官

京城留守○初唐太宗伐高麗置京城留守。其後車駕不在京都則置留守。以右金吾大將軍爲副留守。唐書卷八十八人倫部八

守

西京留守○唐高宗幸洛陽詔宗室李晦居守。謂曰。關中事一切屬公。然法令牽率不可以成政。苟可利人毋須以聞。

守藩○蕭何以信謹守管藩言高祖出何嘗居守也。卧鉢○唐文宗授裴度東都留守。度辭以疾。帝曰。卿雖久病爲朕卧鎮北門可也。

麟符○隋煬帝幸遼東命樊子蓋爲東都留守。別造玉麟符以代銅獸。○六典傳符之制京都留守曰麟符。

刺史

刺史○通典秦有監察御史監諸郡漢興省之乃遣丞相吏分刺諸州無常員武帝元封五年始置部刺史掌詔六條察吏凡十三州焉。居部九歲舉爲守相。成帝綏和元年以爲刺史位下大夫而臨二千石輕重不相準乃更爲州牧秩與二千石位次九卿。九卿缺以高第補。光武建武十八年復爲刺史。外十二州各一人其一州屬司隸校尉。漢刺史常以八月巡行所部。郡國各遣一吏迎之界上錄囚徒考殿最。初歲盡詣京都奏事。中興以來但因計吏不復自詣京師。皆有從事假佐。至靈帝時改刺史惟置牧。

是時天下方亂豪傑各據據有州部而劉焉劉虞並自九卿出領州牧州牧之任自此重矣。十三州爲十三州也刺史秩止六百石

州牧○魏晉以後或爲刺史或爲州牧其總管刺史則加使持節隋開皇中罷郡以州統縣自是刺史之名存而職廢。至煬帝大業初復罷州置郡爲司隸臺大夫一人巡察畿內其刺史十四人巡察畿外諸郡唐武德初罷郡置州改太守爲刺史而雍州置牧至神龍二年分天下爲十道置巡察二十

人景雲中改置按察使開元中改爲採訪使名稱不一舉其職例則皆古之刺史云

牧伯之位○漢公卿表部刺史居牧伯之位兼一州

之統曲禮云九州之長入天子之國曰牧鄭注云每一州之中選侯之賢者爲之牧

外臺之表○謝夷吾爲荊州刺史第五倫薦之曰尋

功簡能爲外臺之表聽察察實爲九伯之冠○晉

書刺史國之外臺

專城○盧魚爲陝州刺史有嚴毅聲玄宗幸陝知有

神政題廳事曰專城之重分陝之雄亦既利物內

存匪躬斯爲國寶不墜家風○古詩云四十居專

青龍類書

卷五十五人倫部八

刺史

城

千騎○文選古者諸侯千乘今刺史古諸侯也故出

擁千騎○古羅敷行東方千餘騎夫婿居上頭

熊車○漢制刺史車伏熊千軾上車前橫軾也○職

原云雙旌五馬隼飛旗上熊伏軾前○唐蘇珣

制西京展驥道掩題輿右輔憑熊風超露冕

五羊表瑞○郡國志吳孫皓時滕修爲廣州刺史未

至州有五仙人騎五色羊負五穀來迎今州廳上

画五色羊於梁以爲瑞

牽羊繞壇○雍州記襄陽有壇號牽羊壇刺史初至

必牽一羊詣壇令繞之以其遭數驗臨州之年晉

文帝爲刺史行六遭不止強止之果八年而遷

六條察吏○漢官典職儀刺史班宣周行郡國省察

治狀黜陟能否斷治冤獄以六條行事非六條所

問即不省一條強宗豪右田宅踰制以強凌弱以

衆暴寡二條不奉詔書遵承典制浸漁百姓聚歛

爲奸三條二千石不恤疑獄風厲殺人煩擾刻暴

制截黎元山崩石裂妖祥訛言四條二千石選署

不平苟阿所愛蔽賢寵頑五條二千石子弟怙恃

榮勢請托所監六條二千石違公下比阿附豪強

唐書

卷五十五人倫部八

刺史

通行賄賂割損王令

塞帷○後漢書賈琮爲冀州刺史舊典傳車驂駕垂

赤帷裳迺于州界琮行部升車言曰刺史當遠聽

廣視糾察美惡何有反垂帷裳以自掩塞乎乃命

御者塞之百城聞風自然竦震其諸賊過者望風

解印綬去○李詩列戟朱門曉塞帷碧帳開

露冕○華陽國志郭賀字喬卿爲荊州刺史治有殊

政百姓以之曰厥德仁明郭喬卿明帝到南陽巡

狩賜三公之服勅行部去襜露冕使百姓見之以

彰有德

獨坐○後漢書王闔字公選遷冀州刺史冀號強悍
閼欲厲威乘傳到部彈治貪濁性廉克不發私書
不交豪族號曰王獨坐

隨車甘雨○後漢百里嵩為徐州刺史境內大旱嵩
行部傳車所經甘雨即降時謂刺史雨

兒童竹馬○續漢書郭伋字細侯并州牧行部西
河到美稷有數百小兒騎竹馬迎于路次伋問曰
兒曹何自遠來對曰聞使君到喜故來迎復送至
郭門外問使君何日當還伋計日告之行部還入
美稷先期一日伋念負諸兒即止野亭須期乃往

沈約作蕭綽碑文曰扇以廉風

沈約作蕭綽碑文曰扇以廉風

沈約作蕭綽碑文曰扇以廉風

置水之情弘郭伋待期之信參拜漢陽太守

撫字心勞○楊城為道州刺史賦稅不時當上考功

第城城署曰撫字心勞催科政拙考下下

神君慈父○元孚字秀和刺冀州勸課農桑入號慈
父鄰州號曰神君

立石頌德○劉德威為綿州刺史政號廉平百姓立
石頌德

中和樂職○漢書王襄為益州刺史入欲宣風化於眾

庶使王襄作中和樂職宣布詩遷好事者習而歌
之

夏侯兄弟○夏侯季龍兄夏字世龍先後刺豫
州民歌曰我之有州賴得夏侯先兄後弟布政優
優

州佐

州佐○通典州之佐吏有別駕治中主簿功曹書佐
簿曹兵曹都郡國從事史典郡書佐等官皆州自
辟除為百石自魏晉以後刺史多帶將軍開府則

州與府各置僚屬州官理民別駕治中府官理民

州為郡無復軍府則州府之吏變為郡官矣唐無

州府之名而有採訪及節度防禦等使有判官二

人支使二人推官一人皆使自辟召然後上聞其

刺史待版拜刺史答拜

上佐○秦置郡丞以佐守左遷為長史掌兵馬漢因
之設治中別駕主泉曹文書均號上佐

別駕○別駕從事史一人從刺史行部另乘傳車故
謂之別駕漢制也歷代皆有隋及唐並為郡官

國朝通判即別駕。稱曰郡佐。亦曰端寮。又
有同知。稱曰郡丞。推官。稱曰理。亦曰司李。

任居半刺○庾亮答郭豫書曰。別駕舊與刺史別乘
同流。宣化于苗。里者。其任居刺史之半。安可任非
其人○杜牧云。半刺上佐。

使君羽翼○管寧讓別駕表文云。州民管誕。燕雀之
賤。棲朝桐之華。夫別駕者。明使君之羽翼。顯化之
鷹揚。宜授英儒。非誕闇昧所得私者。

屏星○豫章列士傳。孔恂字巨卿。辟為別駕從事。別
駕車前後舊有屏星。如刺史車曲轡儀式。刺史行
部。欲命去之。恂曰。使君段國舊制。別駕可去。屏星
不可去。乃投傳去。刺史追謝之。乃止。

屏泥○漢書循吏傳。董霸為揚州刺史。三歲。宣帝賜
車蓋。特高一尺。別駕主簿車緹油。屏泥於軾前。以
章有德。

題輿○後漢書。周景為豫州刺史。辟陳蕃為別駕。不
就。景題別駕輿曰。陳仲舉座。不復更辟。蕃惶懼。起
視職。○李浞東林寺碑曰。陳蕃以才高位下。遂滯

題輿。龐統以德峻名。沉初展驥。
贈刀○呂虔為刺史。有佩刀。相者以為三公服。乃贈
別駕王祥曰。苟非其人。刀或有害。以卿有公輔之

量。故相與之。○祥字休徵。以股肱之忠。糾合義眾。
州境獲寧。時人歌之曰。海沂之康。實賴王祥。邦國
不空。別駕之功。

杯水奉餞○隋書。趙軌為齊州別駕。考績入朝。父老
相送者。各揮涕曰。別駕在官。水火不與百姓交。是
以不敢以壺酒相送。公清若水。請酌一杯水奉餞。
軌受而飲之。

治中○治中從事。一人。居中治事。主眾曹文書。漢制
也。歷代皆有。隋為郡官。唐改為司馬。

職在刺割○王充云。充以元和三年徙家。辟詣楊州
部。後人為治中。材小任太職。在刺割。筆札之思。歷

年寢廢。
展驥○蜀志。龐統字士元。劉先主以為耒陽令。在縣
不理。免官。魯肅遺書先主曰。龐士元非百里材。使

處治中。別駕之任。始能展其驥足。乃以為治中。

化鶴○南康記。盧耽廣州人。任州為治中。少學仙術。
身能奮飛。每冬。輒凌虛歸家。曉則還州。嘗元會至。

曉。不能隨從。悉預朝列。化為白鶴。至閣前。迴翔欲
下。威儀以肅。掃之得雙履。耽乃驚還。就列。○李白
贈盧司戶詩。借問盧耽鶴。西飛幾歲還。

主簿○主簿一人錄門下衆事省署文書功曹書佐一人主選用並漢制也

千里駒○三輔決錄韋康成字元將年十五身八尺

長爲郡主簿楊彪奇之曰韋主簿昂昂千里駒

達鳥音○桂陽先賢贊成子郴中人能達鳥音爲郡

主簿與衆俱坐聞雀鳴而笑曰東市輦粟覆雀相

呼往食之衆遣視信然

從事○部郡國從事史每郡國各一人主督促文書

舉非法○典郡書佐每郡國各一人主一郡文書

以郡吏補歲滿一更並漢制也○祭酒從事史漢

魏以來置

疾惡如風○朱震字伯厚爲州從事奏濟陰太守單

匡賊罪三府諺曰車如鷄栖馬如狗疾惡如風朱

伯厚

嚴然不語○陳留耆舊傳高慎字孝甫敦質少華口

不能劇譚嘿好沉深之謀爲州從事號曰卧虎故

人謂之嚴然不語名高孝甫

萬里肅清○長沙耆舊傳虞芝爲南陽郡從事太守

芮氏親連王室自恃豪媛芝依法執案威厲冰霜

萬里肅清

一州震慄○後漢書衛羽爲州從事時濟陰太守單

匡恃勢貪放刺史第五種欲收之召羽謂曰聞公

不畏強禦今欲相委以重事對曰願庶幾于一割

遂馳至定陶閉城門收匡賓客親吏四十餘人賊

五六萬種即舉秦一州震慄

京兆尹

內史○通典周官有內史秦因之掌理京師漢景帝

分置左右內史武帝太初元年更名右內史爲京

兆尹注絕高曰京一億曰兆左內史爲左馮翊補

都尉注絕高曰京一億曰兆爲右扶風扶風是爲三輔共治長安

城中長安以東爲京兆長陵以北爲馮翊凡州所監

都爲京師置尹一人丞一人後漢都雒陽置河南

尹以三輔陵廟所在不改其號但減其秩與太守

同○漢書職典京兆尹秩中二千石銀章青綬佩

水蒼玉○蔣渙挽李尚書詩白簡嘗持憲黃圖復

尹京

京兆尹○唐京兆府本爲雍州置牧一人以親王爲

之太宗爲秦王中宗爲英王府宗爲相王時並居

其任多以長史理之開元元年改雍州爲京兆府

置牧如故掌宣風導俗肅清所部或以親王居開